



## Kev Xyuam Xim Rau Cov Neeg Xa Zaub Mov thiab Mus Nqa Zaub Mov

### Cia cov zaub mov nyob rau qhov kub thiab cov zaub mov txias nyob rau qhov txias

Muab tej zaub mov kub thiab txias sib cais thaum yuav xa mus lossis rau tus tuaj nqa. Yog ua li no cov zaub mov thiaj tsis nyob rau theem kub txias tsis zoo. Theem kub txias tsis zoo rau tej zaub mov yog nruab nrab 41°F thiab 135°F.

- Tswj kom cov zaub mov txias nyob rau 41°F lossis txias tshaj ntawd.
- Tswj kom cov zaub mov kub nyob rau 135°F lossis kub tshaj ntawd.
- Txhua zaus yuav tsum siv lub twj ntsuas qhov kub txias ntawm cov zaub mov nyob theem twg.

Muab cov zaub mov tso hauv tub yees kom txias, tso rau cov tais tuav kom zaub mov kub, lossis muab cov zaub mov tso rau lub thoob tsis dim pa thaum npaj ntim zaub mov xa mus lossis tos tus neeg tuaj nqa.

- Cov twj tais tuav thiab ntim zaub mov yuav tsum muaj raws li cov txheem lus nyob hauv daim ntawv Minnesota food code Tej Khoom Twj Siv Yuav Tsum Muaj Li Cas (<https://www.health.state.mn.us/communities/environment/food/docs/fs/equipreqfs.pdf>) (PDF).
- Tej khoom siv uas siv ib zaub xwb muab pov tseg yuav tsum nyab xeeb siv tau thiab huv. Tej no muaj xws li cov diav rawg yas, hnab ntim pov, tais ntim mov, lossis cov ntaub qhwv mov. Lwm txoj cai kuj muaj feem thiab.
- Yuav tsum muab cov tais uas ntim mov kaw kom khov lossis kom ntom khi kom zoo thaum tseg cia rau tus neeg tuaj nqa lossis thaum tseg yuav muab xa mus. Ua li no thiaj li tsis lam qhib tau hnab mov.
- Npaj ua kom tiav thiab xa kom raws sijhawm cov zaub mov thiaj li tsis tau nyob rau theem kub txias uas tsis zoo.

Tiv tauj tus tswj xyuas koj lub lab (inspector) yog tias koj muaj lus nug.

### Kev xyuam xim xa zaub mov

- Tiv thaiv cov zaub mov yuav muab xa mus lub sijhawm npaj ntim thiab xa kom tsis txhob kis tau kab mob thiab tsuas hmoov av, kab laum, lossis tsuas lwm yam. Tu tej twj thiab lub tsheb kom huv.
- Muab tej zaub mov nqaj nyoos, tej zaub tsis tau muab ntim npov, thiab tej zaub mov uas ua siav noj tau lawm cais nyob nws ib lub thoob xa mov kom thiaj li tsis sib kis tau kab mob.

### Kev xyuam xim nqa zaub mov

- Tsis txhob cia tej tais zaub mov nyob hauv tsheb lossis lwm qhov ntev dhau tshaj li qhov nws kub lossis txias.
- Muab tej zaub mov qhwv npog kom zoo thaum tuaj nqa tais zaub mov tom lab. Ua li no thiaj li tiv thaiv kom cov zaub mov tsis tsuas kab mob.